

袁世凱

全傳

目次

第一章	幼年時代
第二章	朝鮮駐劄清代(上)
第三章	朝鮮駐劄時代(下)
第四章	西法練
第五章	山東巡
第六章	直隸總
第七章	外部尚
第八章	革命出
第九章	中華民國
第十章	臨時總
第十一章	正式總統時代
第十二章	皇帝總統首代

文藝編譯社印行

其鄉
長及

袁世凱全傳

十三章 幼年時代

袁氏名世凱字慰亭別號容菴以前清咸豐九年八月二十日生於河南省陳州府項城縣（其稱袁項城者因鄉里之名也）是時也正清國內憂外患沓來紛至之秋外則與英法兩國構兵京師岌岌內則洪楊猖獗長江上下幾無一片乾淨土袁之鄉里項城縣亦爲捻匪所蹂躪值此舉國騷然孰意他日驚天動地之怪傑乃在我國古來之所謂中原者呱呱然一試其啼聲也

袁莫恣隨立矢賭兩兄姪之不肖也世凱初年項城縣遭捻匪劫掠出沒無常以附近村舍焚燬殆盡乃築寨於縣北以處避難之良民人皆稱之曰袁寨一日匪徒忽至羣兒駭走世凱方五歲家人負之登陴見萬衆騷然毫無懼色蓋髫齡之目其膽力頗異於常兒云

世凱父曰袁保中（字受臣）家居爲鄉紳籌辦團防平匪有力袁之叔父曰袁保慶（字篤臣）爲袁甲三之姪甲三平定捻匪勦勞頗著保慶夙從甲三轉戰皖豫間年

四十無子。極愛世凱。遂養之。以爲其嗣。

同治五年。袁世凱八歲時。從養父袁保慶之官山東。父延師課之。授讀者王志清也。同治七年冬。袁保慶以道員由山東改歸江蘇。差遣世凱亦隨侍以行。

同治八年。僑寓揚州。旋移江寧。世凱生。父保中嗣父保慶及生母劉氏。嗣母牛氏皆溺愛世凱。與仲兄世敦（字厚甫）叔兄世廉（字清泉）同學。而以讀書爲苦。性喜登臨山水。復能騎暇。輒策馬遊清涼山雨花臺。莫愁湖。立武湖。兩兄戒之。不能止。世凱時年僅十二。三御悍馬。不仆。頗具蠻勇之概。業師曲沼兼精武技。見世凱。膂力教以拳術。故馳馬試劍。習爲故常。

同治十二年五月。養父袁保慶卒於江南鹽巡道任所。時世凱尙幼。劉銘傳、吳長慶皆與保慶爲莫逆。交代治其喪。是年冬。世凱返項城。

十三年春。從叔保恆（諡文誠）歸省。見世凱失學。命與世廉同入京受業。於從叔保齡

光緒元年八月。生父袁保中卒。冬。從叔保恆由陝甘轉餉。被召還京。任戶部左侍郎督課。加嚴二年秋。歸里應鄉試。不第。九月。娶于氏爲室。世凱時年方十有八歲也。

三年正月世凱再入京師時保恆調刑部每訓勵之曰汝思慮太多防患太深遇大事恐不能當機立斷世凱唯唯冬保恆奉朝命幫辦河南賑務攜世凱赴差次四年夏世凱以嗣母疾歸省五月保恆罹時疫隻身臥行館手書招世凱往至則保恆已逝世是年十二月世凱妻于氏生長子克定世凱之在鄉也家居多暇嗜酒好騎馬日飲數斗馳騁郊原時吳重熹守陳州常勸戒之天津徐世昌館於淮寧縣署爲家庭教師偶遊世凱別墅值閹者外出徐不問主人排闥逕入世凱起立揖談深服之徐欲赴北京應試苦無資得世凱飲助始克成行果獲售

五年以從叔保恆捐款移獎世凱中書科中書秋應己卯鄉試再落第乃傾篋舉所爲詩文付之一炬曰大丈夫當志在四方詎能鬱鬱焉久困於筆硯之間以自誤其歲月耶

六年冬慶軍統領吳長慶督辦山東海防以袁爲故人子調赴登州委爲營務會辦

第二章 朝鮮駐劄時代(上)

朝鮮者袁世凱最初著手而嶄然露其頭角之舞臺也其赴朝鮮之動機起於光緒八年韓國閔妃之亂清廷命將軍吳長慶率師往袁方在吳營故與之俱時年僅二十有四。

先是朝鮮王哲宗崩無嗣立王族李是應之子熙繼承統緒卽位後尊生父是應爲大院君大院君有雄略久攝政權勢極專橫李熙旣長納閔氏爲妃寵之閔妃性險鷲奪大院君政權引用母族置之重要地位顧諸閔皆貪殘驕侈大招民怨由是大院君與閔妃兩派互爭權利各不相下而禍作矣光緒八年京城鎮兵凡五千人糧餉久不給數數哀告亂民復從而附和大院君陰嗾之於是鎮兵決意倡亂圍閔邸欲殺王妃妃倉皇變服遁遇救僅以身免攜其子潛赴忠清道匿族人閔應植家而凶徒中之一股則往襲日本公使館縱火焚燒時駐韓日本公使爲花房義質乃率館員突圍而出走仁川由是大院君復立朝執政柄排斥閔族世所稱爲壬午之變是也時韓大臣金允植魚允中等方以事勾留天津因求援於署理直隸總督張樹聲樹聲據情入告遂命吳長慶督師渡朝鮮。

清軍於南陽灣登岸自南陽水原進發抵韓京遂就南門分營屯紮道員馬建忠獻議曰宜先縛是應使來中國然後捕治餘黨直隸總督張樹聲然其計密令施行於是議俟大院君來營答拜時乘機昇之行吳長慶使袁世凱暗爲布置大院君至吳營護從甚衆世凱派兵阻於外引大院君入大院君方與吳將軍筆談即促人扶入肩輿星夜趨馬山浦登軍艦送之天津適李鴻章回北洋大臣任乃以大院君赴保定幽閉之吳將軍復令袁入城拘留韓王兄李載冕（故李熹公）且捕亂黨夜深未獲一人適韓王以書來請派兵剿辦亂黨巢穴利泰院枉尋里兩屯袁立率隊馳往黎明時環而攻之黨衆初猶抗拒旋即四散捕其強悍者百餘人回營請吳將軍鞫問誅十人餘悉省釋日本與韓廷亦締約訂交事遂大定吳將軍以治軍嚴肅調度有方爭先攻剿尤爲奮勇等語列袁爲首功咨商李鴻章張樹聲會奏請獎九月初一日奉旨以同知用并賜花翎

時韓人交涉之事益繁操防尤重以是吳將軍延通州張謇入幕委以內事而外事悉託之於袁令諸將及韓官造謁取決其年袁纔二十有四歲

代練
韓軍

擯與
日本
開闢
初唐
儀紹
識

詞
大
書

初閔妃逃匿之後韓廷疑其已死爲之發喪亂既定始知妃所在地除服迎還宮禁專政如故。時韓王懲前愆後立意維新請於北洋大臣聘德人爲總稅務中書馬建常爲外交顧問皆給秩俸尤注意練兵遣近臣數輩請袁爲之治軍旅袁不敢諾吳方移營於下都監十月韓王親至吳營求借袁亦不許王乃商於吳以委袁兼練新軍爲請於是袁奉檄草創制度規則編選壯丁先建親軍尋立鎮撫軍韓王請袁移居三軍府以爲督練之所。光緒十年春中國以與法蘭西失和召還駐韓之吳將軍使防備遼東於是吳將軍擬檄袁統三營留鎮韓京袁讓提督吳兆有願仍專辦營務防務吳將軍陳於李鴻章謂袁廉明果毅曉暢機宜派令總理親慶等營營務會辦朝鮮防務又以吳將軍所帶之慶字營委袁兼帶爲坐營袁以不暇兼練韓軍辭韓王之命。是年秋清廷以劃界事與法國有違言而韓臣之遊日本者請日本代練韓兵千餘人以備他日脫離中國羈絆又羣小中聞大院君有歸國之議懼甚進策於韓王欲通款

俄國袁徵偵知其情恐有大亂乃上書李鴻章豫請機宜。十月十五日韓廷之開化黨洪英植朴泳孝金玉均朴泳教徐光範徐載弼等十數人請袁及吳兆有與總兵張光前開晚餐會於郵政局內謀先除中國三軍官再分兵攻其駐韓各營吳張二將疑有變辭不赴袁先一小時裹甲懷械輕騎以往主人至者僅及半袁卽索酒饌先食謂朴泳孝等曰今晚有公事不能待主人畢集遂攜朴泳孝手至馬前乘騎回營謀卒不逞十七日洪英植等又設筵邀妃姪閱詠翊等諸貴戚及英德美日諸公使與中國商務委員道員陳樹棠稅司穆麟德晚宴日本公使不赴開宴時已將三鼓黨徒從局後縱火諸賓出觀徐載弼率留學日本武備生徒十二人以亂刀擊閱詠翊詠翊仆地賓主譁散閱之家人昇詠翊至穆麟德室久之始甦延美國醫生救治樹棠以難作告袁卽率兵二百前往彈壓至郵政局則已寂無一人矣旋探知詠翊在穆宅欲往詢其故有一人持槍守門不令入意氣懍然袁勒兵使稍退詢其名乃局員唐紹儀也唐當時由北洋派遣爲稅務幫辦袁告以故遂延袁入詠翊傷甚重但言開化黨殺我袁督隊沿宮牆巡視道遇韓兵疾走詢所往對曰奉命入衛宮禁及

宮門已閉。此時正收隊還營耳。閱詠翊被害後，洪英植等馳入宮泣告。韓王誣清兵譁變，戕及詠翊。王與妃太怖，任其處置。洪乃魯王移別宮，金玉均請王書一日，使入衛。一四字送之。日本公使館遂拘王及妃世子於景祐宮，閉門戶以留學生出身者繞王座。矯詔召貴戚老臣，閱台鎬趙寧夏閱詠穆尹泰駿韓圭稷李祖淵等悉殺之。又殺太監柳在賢於王前，血濺王襟。十八日以洪英植爲右相，朴泳孝授典兵，徐光範授外交司，朴泳教授都承旨。袁集吳張兩將議救護策。二將謂：「無北洋大臣之令，不敢輕動。」乃上書請北洋大臣示旬餘，得覆電令堅壁自守，以待調停。時清政府以爲朝鮮夙隸東藩，必欲定其亂，萌仍備三恪。又慮交涉叢生，或釀兵禍，議久不決。十九日韓舉國人心惶恐，廷臣金允植南廷哲等泣言欲救王，市民糾集者十數萬，將起爲亂。韓國政府領議政沈舜澤備印文乞救。袁集吳張二將議入宮殿，二將請先詰問日本，竹添公使遣書不報。適宮中有人來告曰：「黨徒謀劫王赴他島，別立幼君，倚日本叛中國。袁奮起曰：韓既倚日本，韓之亂黨必斷我歸路。合兵攻我，將何由回國乎？」吳張請再告急於北洋大臣。袁不許。吳張二將不得已，勉諾之。乃囑樹棠作書告駐在各公使，以舉兵之故更。

議分兵進援吳張當左右翼袁以兵四哨任中路從王宮之敦化門入吳抄其左張抄其右又與韓國營官金鍾呂等密約重與犒賞使爲內應未刻出營途中韓人雜遯哭聲四起袁先遣隨員陳長慶持名刺導引隊前若有日本兵訊問則以往見竹添公使詢商處置之法爲詞既入王宮行數武開槍迎擊袁令將士猛進攻至韓王所居之景祐宮前門門固閉排闥而入韓之黨徒退守樓臺朴泳孝督日人訓練之韓軍憑宮牆夾擊袁督兵進攻黨衆不能支紛紛逃散既而聞日本兵歸其公使館日暮收隊而袁所練之韓軍與日本人所練之韓軍相擊如故槍聲達旦始止

袁世凱回營尙不知韓王所在懸賞探訪或傳王已遇害人心愈益驚惶袁遣李應浚延訪王庶子擬立爲監國此子因爲妃所妒匿民間已九歲矣李應浚甫行有人報王在北門關帝廟內洪英植率留學生出身者九人環繞王側仍謀劫脅遂遣委員茅延年先往請王入清營洪英植再三沮止會吳張二將亦至王牽茅延年衣趨入與茅延年執洪英植引出之與各生徒均爲韓廷衛士所誅又生擒徐載昌等三人置之於法王與過吳營稍息袁先至王執袁手介通譯謂之曰今不意復見君雖然君亦危矣并

泣訴洪英植朴泳孝逼其更衣赴日本王及妃世子泣求不聽洪英植親解王服易以
 白衣甫著身宮外槍聲大震黨徒分出抵禦不利槍聲逼宮殿王及妃世子乘間逃出
 洪英植等仍踵至脅迫清兵往迎始獲免揮淚哀述情動左右次晨移入袁營時諸重
 臣均遇害韓之內政外交軍事悉聽袁主持調度袁請韓王召諸老臣金宏集金允植
 等籌議庶政擇賢任使調各道兵入京護衛請歐美諸公使來營會晤告以肇亂情形
 乞其秉公調處時英公使與日本公使善美德公使初尚有誤會一再會議卒請各公
 使赴仁川向日本公使籌商無效乃擬遣韓判書徐相雨德國人穆麟德往日本與其
 政府談判日本公使回使館後韓國軍民環繞狙擊竟夜嚴守知難久保次日自燒使
 館率兵列隊逕赴仁川金玉均朴泳孝徐光範徐載弼等均偕行韓國各道勤王兵來
 者日衆商團亦附入其數不下十餘萬袁慮營外地狹不能容而供給韓君臣之資費
 亦鉅乃請王還宮城先遣兵掃除王求袁率其部下同入防衛次日分兵迎妃及世子
 於東郊人心漸定當時韓國雖用清曆然國內紀載多書崇禎甲申後第若干年至是
 始改清帝光緒年號式亦襲袁以吳國帥升中制對王宮之舊外門入與韓其式無異

之在
跋韓

韓文公集
韓文公集

韓文公集
韓文公集

中日
交涉

王請袁居其偏殿樓下與王居僅隔一牆朝夕接晤握手談心諸部大臣每日必會袁
議事環繞左右聽其指揮既而日軍有大集仁川之說風聲鶴唳警耗頻聞袁召吳張
二將商令分兵扼守漢江而已則率其部下以衛王宮
日本竹添公使至仁川二十二日始遣人以書來報其言曰率兵入宮由韓王所請接
書未及答既見貴軍闖入不得已僅發小銃以盡保衛之誼袁答之曰韓之亂臣劫其
君殺戮無辜軍民私相嘯聚恐犯王宮波及貴部韓之内外大臣請我軍入衛我軍有
保護之責辰刻致書貴使日夕未見答覆事機迫切只爭俄頃故整隊往候雅命甫入
門槍礮並發猶以爲亂黨抗拒接來函始知發槍礮者貴使爲之也時日本政府陸續
增兵一面向清政府通告以袁妄啓釁端曲不在日本總理衙門不能辨即特派吳大
澂續昌二星使來韓調查吳入他人言意將罪袁以謝日本袁乃詳敘事實彙爲一冊
附列證據遣人待之馬山浦十一月三日兩星使至即呈覽陳請正趙其榮二星使
十七日星使晤王因申法兩國方失和勸以忍耐息事又慮日本命袁召駐守王宮之
兵士便回本營是日日本全權大使井上馨率日本兵千餘名駐西門外京畿道署二

袁凱歸國之世

對策韓之政談

十一日帶衛隊二百人謁王。王甚恐，請袁借清兵百名伏殿後，以備不虞。而後見井上大使。井上大使請屏左右，密語王，不許禮成。乃退，遂命金宏集充韓國全權，俾與議和。井上大使以中國特使無全權，不見。逾日，井上大使即提出約稿計五款，其第二款係賠償日本商賈之損害金十一萬圓。因據以奏聞，並請將戰死將卒從祀吳、武、壯、公祠。時日本既有意欲使中國撤退駐韓之兵，而袁亦以擅開釁端，幾爲衆矢之的，遂不得不引退矣。

袁之嗣母牛氏適有病，乃以請假歸省之意告之。吳大澂曰：「汝爲隸屬北洋大臣之人員，我何可准假？」袁曰：「惟望攜某回天津，當自求李傅相、吳始應諾。」先是，袁獻策於北洋大臣，謂宜責韓王以政治不修，迭釀變亂，選派監國代執政柄。後又上書痛切言之。李鴻章以中法和議未定，不欲生事。十二月十七日，袁至旅順，時大沽封凍，擬由山海關登岸，遇流冰不得達，乃赴烟臺。歲俟開河後，仍取道大沽。

光緒十一年正月，袁患病旬餘，興致索然。星使幕僚及丁提督間招女樂侑酒，邀袁排悶。月末，大沽冰泮，蒞天津。兩星使入京復命，爲袁回護。袁謁李鴻章，復陳韓國善後策。

鴻章不答乃請假兩月歸陳州未幾日本遣全權大使伊藤博文赴天津議約清廷命李鴻章爲全權大臣吳續二人副之先是駐日中國公使徐承祖電奏謂日本政府擬要求懲辦駐紮朝鮮諸將領朝廷未允其請是月十八日伊藤大使抵天津吳續二人亦自北京來磋商事件至三月四日始議定條約三項（一）四個月內彼此盡撤駐韓軍隊（二）日清兩國均無庸派員教練韓兵（三）遇有重大事件日清兩國遣兵赴韓時應先行互相照會

是歲正月韓國增兵三營請北洋大臣派袁訓練因先有撤兵之議不果行且袁已歸里時清廷醇親王當國廷議遣還大院君以其事諷韓王而使閔種默奏陳之閔妃恚甚然拘於大義陽不敢阻陰籌抵制是年夏中國如約撤回成韓軍隊分駐旅順六月閔種默再至豫籌護送大院君之法以韓人反復抗拒議遣提督丁汝昌及總兵黃金志王永勝張紹華黃建筦等率水陸軍納之嗣因訛言繁起李鴻章甚焦灼乃作書諭袁令其速赴天津是月二十日李鴻章命道員周馥自濟寧電促之限七月十二三日抵津袁得命乃治裝北行如期而至時周馥任津海關道與袁最善八月十二日

國大官四
署刻編袁駐韓
復大員
韓渡國

有旨釋大院君李是應歸國。命北洋委派妥員護送。而回李鴻章委袁令卽起行。十九日袁與大院君共乘兩兵船鼓輪東駛。過烟臺。旅順。二十五日抵仁川。閔妃頗快快。不許韓王遣官迎候。袁登岸就館舍。照會各國兵船並各國領事往復酬答。一面切責韓廷。次日始有韓官及內侍先後來迎。二十七日抵韓京。王設幕南門外迎候。如禮時駐韓。俄國公使威巴先袁一日至京城商訂條約。要求陸路通商。且密議以俄人訓練韓兵。保護韓國。韓之外部督辦金允植遲疑未決。先是穆麟德勸韓廷定親俄之策。李鴻章撤其總稅務之職。以美人墨賢理代之。穆麟德一面愚弄閔妃。謂有拒大院君之術。又暗結俄公使恫喝韓廷。妃月給以三百金。許其出入宮廷。袁勸阻之王乃解穆麟德典圖局職務。給三個月薪水。使去袁回天津。謁李鴻章。具以情事報告。李由是奇其才。是月八日上諭曰。慶軍駐韓四載。前年亂黨滋事。鎮撫一切。因應機宜。尙稱妥善。著擇尤保獎。時駐韓商務委員陳樹棠稱病請假。李鴻章奏請以袁繼其任。旋奉旨。袁世凱以道員陞用。賞加三品銜。總理衙門加檄委袁以駐紮朝鮮總理交涉通商事宜。袁遂於十月初七日東渡。

第三章 朝鮮駐劄時代(下)

光緒十二年韓王惑於佞臣之說時遣人見俄使威巴翼借其助爲自生計韓廷自甲申年冬蓄志倚俄金嘉鎮鄭秉夏等迎合王意藉以進身傳聞韓廷陰送文書與俄國訂立密約北洋大臣飭袁調查之袁旋聞韓國文書已送於俄國求俄國保護與中國同等袁招韓國諸臣至其署面加詢問諸臣馳告王及妃皆大恐遣領議政沈舜澤左議政金宏集等先後詣袁謝謂王與政府皆不知必爲小人僞造於是捕金嘉鎮趙存斗金鶴羽金養默等治其罪而俄國公使亦不承認密約之事遂置之不復深究十二月英國徇清政府之請以巨文島交還韓國光緒十三年四月有美人福久者曾與韓臣洪英植金玉均相往來又結合金良默鄭秉夏金箕錫鄭洛鎔等再建自主之議以勸韓王袁乃託病赴仁川韓王驚懼遣近臣相繼往留復由韓國外務部照會美國公使飭福久回美時稅司墨賢理與福久結屢餌韓廷以借款開鑛諸說韓王尤信德尼頻入王宮相密議七月派朴定陽爲全權大臣使赴英德俄意法等國蓋德尼之主謀也袁以韓國特派全權之事有傷中國體面電達李鴻章請速由北洋電致韓廷

責以事前未經商度何得逕自遣使且與各國無商務交涉事件宜止其行稅司墨賢理請開平壤大同江口岸袁以大同江適當中韓兩國之衝距邊門僅數十里與烟臺旅順接近若有事於韓國則陸路必梗水師亦無居中停泊之所主張不許時閔詠翊持韓國遣使說甚力曰中國素畏西洋我遣西使則中國亦必畏我以此求決於王袁聞之擬拘詠翊押赴天津是時清政府以遣使之事詰責韓廷奉使者方出城止於南門外韓廷乃以特使已發爲詞領議政沈舜澤來見袁袁要求先招回各全權特使并速派大員謝罪中國旋奉旨高麗隸屬中國歷數百年雖許其因時制宜處理內務然與各國通商交涉諸大端應報由中國主政何得擅派全權特使時清廷議令韓國改全權爲三等使韓廷不應十月赴美特使朴定陽赴英德俄意法特使趙臣熙先後出發清廷遂以條件爲約使於行抵各國後先謁中國公使以便挈同訪問各該國之外務部朴定陽到美違約稱病不見中國公使袁傳朝命詰責令韓廷召還之趙臣熙至香港逗留不進

光緒十四年二月中國商人之在京城者日盛往來貨物皆日本船爲之輸運於是請